



Aningaasaqarnermut Naalakkersuisoq

Aningaasaqarnermut Akileraartarnermullu Ataatsimiititaliap suliaq nr. 01.31.06/11-00562 pillugu tallimanngornermi ulloq 9. december 2011-mi aalajangiineranik Naalakkersuisunut ilisimatitsineq.

Dundasimi avatangiisit ajoquserneqarnissaat pinngitsoortinniarlugu iliuuseqarnissaq

Naalakkersuisut **inassutigaat**,

- kontumi pingarnermi nutaami 87.75.02-mi, Dundasimi avatangiisit ajoquserneqarnissaat pinngitsoortinniarlugu iliuuseqarnissamut tunngasumi, suliasamut nutaamat nr. 996.74.002-imut, Dundasimi avatangiisit ajoquserneqarnissaat pinngitsoortinniarlugu iliuuseqarnissamut tunngasumi, aningaasaliisutit 2011-mi 25,0 mio. kr.-inik amerlineqassasut.

Aningaasaqarnermut Ataatsimiititaliap oqaaseqaatai

Qinnuteqaammi matumani takuneqarsinnaavoq Naalakkersuisut ulloq 19. oktober 2011 Dundasimi avatangiisit ajoquserneqarnissaat pinngitsoortinniarlugu Naalagaaffimmut isumaqtigissummik akuersissuteqarsimasut. Isumaqtigissut taanna Aningaasaqarnermut Ataatsimiititaliamut ilisimatissutitut nassiuinneqarsimasariaqarluarpoq. Tamannali pisi-manngilaq. Taamaalluni Aningaasaqarnermut Ataatsimiititaliap naalakkersuisut isummernissaannut tunngavissiaq naatsunnguaq kisiat isummerniarnermini aallavigisimavaa.

Dundasimi saliinissamut Naalagaaffik 40 mio. kr.-inik aningaasaliissuteqarsimasoq qinnuteqaammi takuneqarsinnaavoq. Saliinermut atatillugu aningaasartuutit tamarmiusut aningaa-sanit taakkuninnga matuneqarnersut imaluunniit saliinerup ilaannaa matuneqassanersoq allassimanngilaq. Takuneqarsinnaanngilartaa aningaasat taakku qanoq naatsorsorneqarsimanersut. Taamatuttaaq aningaasat taakku 2011-imi imaluunniit 2012-imi isertitatut ilangunneqassangersut allassimanngilaq. Suliap saqqummiunneqarnera malillugu qinnuteqaatip angusassatut missingersuutigineqartoq (IST-ip inernerera 25 mio. kr.-inik) ajorseriartissavaa, tamannalu qinnuteqaammi erseqqinnerusumik nassuaatigineqanngilaq. Tamanna amigaatitut isigineqartari-aqarpoq.

Amigaatit taakku malunnaatillit itisilerneqarnissaat ataatsimiititaliamit kissaatigineqarpoq.

Aningaasaqarnermut Ataatsimiititaliap aalajangiinera

Qulaatigut allassimasutut paasinnilluni tunngavissallu taaneqartut aallaavigalugit Naalakker-suisut inassuteqaatai Aningaasaqarnermut Ataatsimiititaliap **akuerai**. Peqatigitillugu pissutsit qulaani taaneqartut sukumiinerusumik nassuiaateqarfingeqarnissaat ataatsimiititaliap kissaati-gaa. Naalakkersuisut akissutaat piaartumik kalaallisut qallunaatullu nassiuteqquneqarpoq qara-sasiakkut assilinera ukununnga assilillugu nch@ina.gl aamma jens@ina.gl.

Aningaasaqarnermut Ataatsimiititaliaq sinnerlugu

Andreas Uldum
Siulittaasoq